

Dubrave: Dvije osobe povrijeđene u saobraćajnoj nesreći

Na dijelu regionalnog puta Živinice – Dubrave, u mjestu Dubrave Donje oko 11 sati se dogodila saobraćajna nesreća u kojoj su povrijeđene dvije osobe.

Iz Ministarstva unutrašnjih poslova Tuzlanskog kantona za RTV Slon su potvrdili da se nesreća dogodila oko 11 sati te da su u ovoj nesreći učestvovala 3 putnička vozila.

Dvije povrijeđene osobe su prevezene u Dom zdravlja Živinice, a potom na Univerzitetsko-klinički centar Tuzla gdje će im biti ukazana ljekarska pomoć. Još uvijek nije potvrđeno da li se radi o težim tjelesnim povredama.

Uviđaj na mjestu događaja obavili su službenici Ministarstva unutrašnjih poslova Tuzlanskog kantona a kako navode do ove saobraćajne nesreće najvjerovatnije je došlo zbog mokrog kolovoza.

Date: 02-10-2018